

खबरां

- विधानसभा चुनावें दे पहले चरण आस्तै बिहार च चुनावें प्रचार नै फगड़ेआ जोर।
- प्रधानमंत्री नरेंद्र मोदी होरें 'मेरा बूथ सबसे मजबूत' कार्यक्रम तैहत बीजेपी-एनडीए कार्यकर्ताएं कन्नै वर्चुअल ढंगै कन्नै गल्लबात कीती।
- प्रधानमंत्री नरेंद्र मोदी होर 47 आसियान शिखर सम्मेलन च कुआलालपुर थमां वर्चुअल ढंगै कन्नै हिस्सा लैडन।
- राष्ट्रपति द्रोपदी मुर्मू होरें विकसित भारत दे नजरिए गी साकार करने आस्तै समाज दे हर वर्ग, खास करिए सभनें शा कमजोर ते हाशिए पर रवा'रदे वर्ग आस्तै बरोबर मौके उपलब्ध करवाने पर जोर पाया।
- रोजगार मेले दा 17मां संस्करण कल आयोजित होग, प्रधानमंत्री नरेंद्र मोदी होर पूरे देश दी 40 थाहें च 51 जहार मेदवारें गी नियुक्ति पत्र बंडडन।
- मर्दे दे क्रिकेट च आस्ट्रेलिया नै दुए इक दिवसीय अंतरराष्ट्री मैच च भारत गी 2 विकेटें कन्नै हराइए त्रै मैचें दी श्रृंखला च 2-0 दी बढ़त हासल कीती।

<><><><><><>

Bihar-Election

बिहार च विधानसभा चुनावें आस्ते चुनावें प्रचार नै जोर फगड़ी लैता ऐ। जनता दल यूनाइटेड दे प्रधान ते मुखमंत्री नितीश कुमार सने वरिष्ठ बीजेपी नेताए एडीए मेदवारें दे प्रचार च रूज्जे दे न। 18 जिलें दे 121 चुनावी हल्कें च मतदान 6 नवंबर गी होगा। अज्ज किश एनडीए नेताएं गठबंधन दे मेदवारें दे पक्ष च प्रचार कीता। बीजेपी दे राष्ट्री अध्यक्ष जे.पी नड्डा होरें गोद, ओरंगाबाद ते वेशाली दे पातेपुर च जनसभाएं गी संबोधित कीता। वरिष्ठ बीजेपी नेता ते केंद्री मंत्री गिरीराज सिंह होर राज भूषण चौधरी हुंदे कन्नै शाहपुर, भोगपुर च चुनावी बैठकें गी संबोधित करडन। पार्टी दे चुनावें उप-प्रभारी ते उत्तर प्रदेश दे उपमुखमंत्री केशव प्रसाद मोर्या होर एनडीए प्रत्याशिणें दे इक च प्रचार-प्रसार करंगन। तोआई, राष्ट्री जनता दल ते कांग्रेस दा ग्रैंड एलायंस संयुक्त रणनीति ते प्रसाद कार्यक्रम दी घोशणा अज्ज करडन।

<><><><><><>

PM-MBS

प्रधानमंत्री नरेंद्र मोदी होर वर्चुअल ढंगै बीजेपी-एनडीए दे कार्यकर्ताएं कन्नै गल्लबात च शामिल होए। गल्लबात मेरा बूथ सबसे मजबूत कार्यक्रम तैहत होई। इक सोशल मीडिया पोस्ट च मोदी होरें आखेआ जे बीजेपी-एनडीए दे कार्यकर्ता भरपूर उर्जा कन्नै भरोचे दे न ते बिहार विधानसभा चुनावें च बीजेपी-एनडीए गठबंधन दी जित्त आस्तै पूरी निष्ठा कन्नै कम्म करा'रदे न। उनें आखेआ जे हर स्तर पर इंदी भागीदारी लोकें तोड़ी पुज्ज थमां लेइए गल्लबात तोड़ी एनडीए दी सभनें शा बड्डी शक्ति ऐ।

PM-Article

प्रधानमंत्री नरेंद्र मोदी होंरें अज्ज आखेआ ऐ जे देसै दे ज्हाज निर्माण ते समुंद्री तंत्र च नमें सिरेआ जान भरने लेई सरकार दा 8 अरब अमरीकी डालरें दा पैकेज कोई आम बजट नेई सगुआं महत्वकांक्षा दी सारत ऐ। बंदरगाहें, ज्हाजरानी ते जलमार्गें सरबन्धी केंद्री मंत्री सर्बानंद सोनोवाल हुंदे आसेआ पोस्ट कीते गेदे इक लेख गी सांझा करदे होई प्रधानमंत्री होंरें आखेआ जे एहू लेख दस्सदा ऐ जे कि'आं मेक इन इंडिया अभियान दे प्रोत्साहन ते बंदरगाहें दे आधुनिकरण दे जत्तें कन्नै देसै गी इक अनोखा लाहू हासल होआ करदा ऐ। सोशल मीडिया पोस्टें दी इक श्रृंखला च प्रधानमंत्री होंरें इस गल्ले पर लोऽ पाई जे कि'आं अगली पीढी दे जी.एस.टी सुधारें देसै दे आर्थिक आत्मविश्वास गी बढ़ावा दित्ता ऐ। उ'नें आखेआ जे इस माली ब'रे च अजें तगर भारती आटो निर्यात बी रिकार्ड 31 लक्ख 40 ज्हार इकाई तगर पुज्जी गेआ ऐ।

<><><><><><>

India-Pak UN

भारत ने पाकिस्तान पर त्रिक्खा ज़बानी हमला करदे होई आखेआ ऐ जे इस्लामाबाद आसेआ समर्थित पहलगाम आतंकवादी हमला दुनिया गी म्हेशां चेत्ता रौहग ते आतंकवाद दा प्रायोजक मुख पाकिस्तान, मनुक्खी अधिकारें दी सबनें शा बड्डी उल्लंघना करने आह्ले मुख दे रूप च बेनकाब होई गेआ ऐ। भारत दे संयुक्त राष्ट्र मिशन दे प्रथम सचिव रघु पुरी होंरें आखेआ ऐ जे आलमी बिरादरी, भारत दे खलाफ पाकिस्तानी नीति उपकरण दे रूप च आतंकवाद दे इस्तेमाल दी गवाह ऐ। श्री पुरी होंरें महासभा दी मनुक्खी मामलें कन्नै सरबन्धत त्रीऽ समिति च संवाद दे दरान ऑपरेशन सिंदूर गी प्रासंगिक करार दित्ता। उ'नें वैश्विक आतंकवाद दे केंद्र-पाकिस्तान गी अपने गिरेबान च झांकने दी सलाह दित्ती ते आखेआ जे ओहू अपने बन्नें दे अंदर बच्चें दी सुरक्षा लेई गैहू पुट्टे ते बन्ने पार महिलाएं ते बच्चें गी नशाना बनाना बंद करै।

<><><><><><>

PM-ASEAN

प्रधानमंत्री नरेन्द्र मोदी होंरें आखेआ ऐ जे ओहू इस म्हीने की 26 तरीक को आसियान शिखर सम्मेलन च वर्चुअल ढंग्गै'नै हिस्सा लैडन। सोशल मीडिया दी इक पोस्ट च श्री मोदी होंरें आखेआ ऐ जे उ'नें मलेशिया आसेआ आसियान दी अध्यक्षता ग्रैह्ल करने पर मलेशिया दे प्रधानमंत्री अनवर इब्राहिम होंरें'गी बधाई दित्ती। श्री मोदी होंरें उ'नें'गी औंदे शिखर सम्मेलन दी कामयाब मेजबानी लेई शुभकामनां बी दित्तिआं ते आसियान-भारत व्यापक कार्यनीतिक भागीदारी बधाने दी वचनबद्धता दोहराई। 47में आसियान शिखर सम्मेलन दा आयोजन इस म्हीने की 26 थमां 28 तरीक तगर मलेशिया दे कुआलालम्पुर च कीता जा'रदा ऐ।

<><><><><><>

Prez. VB

राश्ट्रपति द्रौपदी मुर्मू होंरें विकसित भारत दे नजरिए गी साकार करने आस्तै समाज दे हर वर्ग, खास करी सभनें थमां कमजोर ते हाशिए पर रवा'रदे वर्ग आस्तै बरोबर मौके उपलब्ध करोआने दी जरूरता पर जोर पाया। ओहू अज्ज केरल दे राजभवन च साबका राश्ट्रपति के.आर नारायणन हुं'दी मूर्ति थमां पर्दा गोआइने मगरा उत्थे मौजूद लोकें गी संबोधित करा'रदियां हियां। साबका राश्ट्रपति के.आर नारायणन हुंदे योगदान पर लौऽ पांदे होई राश्ट्रपति होंरें आखेआ जे श्री नारायणन होंरें अपना जीवन राश्ट्र निर्माण ते इक समावेशी मुल्ख दे निर्माण आस्तै समर्पित करी दित्ता। केरल दे गवर्नर होंरें राश्ट्रपति मुर्मू ते साबका राश्ट्रपति रामनाथ कोविंद होंरें'गी सम्मानित कीता।

<><><><><><>

Prez. Kerala Sivagiri

राश्ट्रपति द्रौपदी मुर्मू होंरें आखेआ ऐ जे श्री नारायणन गुरु हुंदी शिक्षा जाति, धर्म ते समुदायें दी सीमाएं दे अगगे ना। राश्ट्रपति होंरें अज्ज केरल दे आध्यात्मिक गुरु ते समाज सुधारक श्री नारायणन गुरु हुंदी महास्माधि दे 100 बरे पूरे होने दे अवसर पर कार्यक्रमें दा उद्घाटन वरकला दे सिवागिरी मठ च कीता। राश्ट्रपति होंरें आखेआ जे नारायणन गुरु होंरें साक्षरता, आत्मनिर्भरता ते स्हेई मूल्लें दा प्रचार दबोए ते पिछड़े समुदायें च कीता। उनें आखेआ जे श्री नारायणन गुरु हुंदा स्नेहा अज्ज दे समें च मता सार्थक बनी गेआ ऐ। राश्ट्रपति होंरें महास्माधि पर श्रद्धांजलि अर्पित कीती।

<><><><><><>

Gaganyaan Launch Ready

भारती अंतरिक्ष अनुसंधान संगठनदे अध्यक्ष डॉ. वी नारायणन होंरें जानकारी दित्ती ऐ जे गगनयान मनुक्खरैहत टैस्ट फ्लाइट मिशन जी 1 दा 90 फीसदी कम्म पूरा होई चुके दा ऐ जेडा दिसंबर दे पैहल हफ्ते लांच करने दी तैयार ऐ। बंगलुरु च अज्ज मीडियाकर्मिं कन्नै बोलदे होई डॉ. नारायणन होंरें आखेआ जे बचने दी प्रणाली सने क्रियु माड्यूल, पैराशूट माड्यूल, संचार प्रणाली ते दुए इंतजाम सफल रेय ना। मनुक्खरैहत गगनयान च व्यामामित्र ह्यूमनायड बी दिसंबर च डोआरी भरोग। गगनयान दा अखीरला मनुक्खें सने मिशन 2027 गी तय कीता गेआ ऐ जिसलै 3 अंतरिक्ष यात्री बाहरले अंतरिक्ष च जांगन ते वापस परतोड्ना।

<><><><><><>

Vaishnav-Railways

मुसाफिरें दे आराम गी पक्का करने आस्तै केंद्री रेलवे मंत्री अश्विनी वैश्वणव होंरें अज्ज स्पेशल ट्रेनें दे इक स्टेटस दी समीक्षा कीती जेडियां गै त्यौहारें दरान वार रूम, रेल भवन, नमीं दिल्ली थमां चलाई जा'रदियां ना। मंत्री होंरें अधिकारिं कन्नै गल्लबात कीती ते छठ पूजा गी दिखदे होई रेलवे दी तैयारिं बारै पुच्छेआ। रेलवे स्टेशनें पर त्यौहारें दरान भीड़ पर तक्क रखने ते प्रबंधन आस्तै वार रूम स्थापित कीते गए ना। वैश्वणव होंरें आखेआ जे पूरे देश च त्रै स्तर दे वार रूम स्थापित कीते गए ना। इक संभाग स्तर पर, इक जोन स्तर पर ते इक रेलवे बोर्ड स्तर पर। उनें दस्सेआ जे रेलवे बोर्ड पर दवें

संभागीय ते जोनल कर्मचारी रलिए कम्म करदे ना मंत्री होरें दस्सेआ जे हर स्टेशन पर इक मिनी कंट्रोल रूम स्थापित कीता गेआ ऐ। नियमित ट्रेनें दे अलावा अगले 4 दिनें दरान 1500 स्पेशल ट्रेनां चलाइयां जाडन, जेडियां 300 प्रति दिन दी दर कन्नै सेवां देडन। आने आहली छठ पूजा दे देआली दे मद्देनजर भारती रेलवे नै काफी बंदोबस्त कीते देन।

<><><><><><>

PM Rozgar Mela

रोजगार मेले दा 17मां संस्करण कल होग। प्रधानमंत्री नरेंद्र मोदी होर पूरे देश च 40 थाहें दे 51 ज्हार मेदवारें च नियुक्ति पत्र बंडडन। तमिलनाडू च सूचना ते प्रसारण केंद्री राज्यमंत्री डॉ. एल. मुरुगन होर चिन्नेई च नियुक्ति पत्र बंडडन, आयुष ते सेहत परोआर कल्याण राज्यमंत्री प्रताप राव जाधव होर मदुरई च नियुक्ति पत्र बंडडन ते साबका राज्यमंत्री पंकज चौधरी होर तिरूचिरापल्ली च मेदवारें गी नियुक्ति पत्र सौपडन।

<><><><><><>

Cricket

मर्दे दे क्रिकेट च आस्ट्रेलिया नै भारत गी दुए इक दिवसीय अंतरराष्ट्री मैच च 2 विकेटें कन्नै हराई दित्ता। एहू मैच .. च खेड्डेआ गेआ। एहूदे कन्नै त्रै मैचें दी श्रृंखला च आस्ट्रेलिया नै 2.0 कन्नै बढत हासिल कीती ऐ। 265 रन्जें दे लक्ष्य दा पिच्छा करदे होई मैथ्यु नै 74 रन्ज बनाए ते कुपर कानली 61 रन्ज बनाइयै नाटआउट रेह। अर्शदीप सिंह, हर्शित राणा ते वाशिंगटन सुंदर होरें 2-2 विकेटां लेइयां। पहले भारत नै 9 विकेटें पर 264 रन्ज दा लक्ष्य रक्खेआ।

<><><><><><>

Goyal German Minister

वाणिज्य ते उद्योग मंत्री पीयूष गोयल होरें जेडे अज्ज जर्मनी च हे, होरें जर्मन दे आर्थिक मामले ते उर्जा दी संघीय मंत्री केथरीना रेइचा हुंदे कन्नै बर्लिन च मलाटी कीती। इक सोशल मीडिया पोस्ट च गोयल होरें आखेआ जे भारत-जर्मनी बश्कार बपार ते निवेश, संयुक्त औद्योगिक ते हरि उर्जा च तकनीकी सांझेदारी, नमीं तकनीक ते रक्षा दे क्षेत्र च रिश्ते मजबूत करने बारै चर्चा कीती गई। उनें दस्सेआ जे चर्चा च भारत-EUFTA गी अंतिम रूप देने आस्तै जर्मनी दी प्रतिबद्धता बारे बी गल्लबात होई।

<><><><><><>

NHRC-Cold wave

राष्ट्री मानवाधिकार आयोग नै 19 राज्यें ते 4 केंद्र शासित प्रदेशें गी पहले थमां निर्धारित कदम चुक्कने ते राहत लागू करने दी अपील कीती ऐ तां जे सर्दिएं दरान सीत लहर थमां लोकें दी जिं गिएं गी बचाया जाई सकै। राष्ट्री अपराध रिकार्ड दी जानकारी दा हवाला दिंदे होई जेदे मताबक 2019 थमां 2023 तोड़ी 3 ज्हार 639 लोकें दी मौत ठण्ड कन्नै होई गई ही, आयोग नै राष्ट्री आपदा प्रबंधन प्राधिकरण दे दिशा-निर्देश बारै दोहराया ऐ तां जे सीत लहर दे असर गी घट्ट कीता जाए। एन.एच.आर.सी नै सरबंधत धडें गी इस बक्खी संजीदगी कन्नै कम्म करने दी अपील कीती ऐ।

<><><><><><>

NGHM-Logo Contest

नमी ते परतिए इस्तेमाल होने आहली उर्जा सरबन्धी मंत्रालय नै अज्ज 'लोगो' तैयार करने सरबन्धी नेशनल ग्रीन हाइड्रोजन मिशन राश्ट्री सैली हाइड्रोजन मिशन आस्तै मुकाबले दा ऐलान कीता ऐ। इक बयान च मंत्रालय नै आखेआ ऐ जे जितने आहलें गी 1 लक्ख रपे दा नकद ईनाम ते एन.जी.एच.एण्म तरफा प्रमाण पत्र दित्ता जाग। एहू बी आखेआ गेआ ऐ जे 'लोगो' गी इस तरीके तैयार कीता जाना लोडचदा ऐ जे ओहू मिशन दे महत्व गी दर्शाए। इस मिशन तैहत देश गी हरि हाईड्रोजन दे उत्पादन, इस्तेमाल ते निर्यात दा वैश्विक केंद्र बनाइयै देश गी आत्मनिर्भर बनाना ऐ। मंत्रालय नै जानकारी दित्ती ऐ जे प्रविष्टियां माई गोव पोर्टल पर अगले म्हीने दी 5मीं तरीक तोड़ी जमा करोआनी लोडचदियां न।

<><><><><><>

Banking Laws Act

बैंकिंग कनून संशोधन अधिनियम हेठ नामांकन सरबन्धी मुख् प्रावधान अगले म्हीने दी पहली तरीक थमां वजूद च आई जाडन। खजाना मंत्रालय नै इक बयान च आखेआ ऐ जे इनें प्रावधानें कन्नै जमाकर्ताएं गी अपनी मर्जी मताबक कुसा गी बी नामजद करने दित्ता जाग ते उपभोक्ता 4 जनें गी बी नामजद करी सकदे न। इस अधिनियम दा मकसद बैंकिंग क्षेत्र च प्रशासन दे मानकें गी मजबूत करना ऐ।

<><><><><><>